

IZJAVA DANA



SDA ima istoriju nedorazuma i rivalstva i sa Strankom za BiH i sa SDP-om, ali nam je saradnja sa Strankom za BiH ipak prirodnija

Bakir Izetbegović potpredsjednik SDA

DOBAR LOŠ ZAO



MILORAD DODIK

Premijer Republike Srpske nastavlja bezočno negiranje državnih institucija BiH. Nova "epizoda" u ovoj sapunici je njegova izjava da nije spreman sa saradnje sa Sudom i Tužilaštvom BiH.

JOACHIM SCHMIDT

Njemačka ambasada jedna je od najagilnijih u našoj zemlji. Dokazali su to i najnovijim darom - elektronskim atlasom vjetrova koji sadrži sve podatke o vjetrovima u bilo kom dijelu BiH, a koji je ambasador Schmidt predao Mladenu Zirojeviću, ministru spoljne politike i ekonomskih odnosa naše zemlje.



SDUBIH

Organizacija mladih SDUBiH Kantona Sarajeva protestuje protiv koncerta Lepe Brene. Stranka za koju ne glasaju ni svi članovi porodice njenih funkcionera izabrala je blesav način da podsjeti na svoje postojanje.



KK BOSNA

Sarajevski "studenti" nisu dopustili nikakvo iznenađenje. Pobjedom nad Igokeom Partizanom pred svojim navijačima osigurali su prednost domaćeg parketa u play-offu te također mjesto za svoj tim i u narednoj sezoni NLB lige.



VIJEST U BROJU

1

posto je stopa za koju je smanjen procenat nelegalnog softvera u BiH u 2008. godini, a u odnosu na 2007. Prošle godine procenat je bio 67 posto, a godinu ranije 68.

Kurt Bassuener, Vijeće za političku demokratizaciju Bruxellesu je potreban saveznik u Washingtonu



Jedan od najvećih američkih poznavatelja pitanja Balkana smatra da će američki specijalni predstavnik, ako se imenuje, biti od ključne važnosti za rješavanje krucijalnih pitanja u BiH

Razgovarao: Faruk BORIĆ

• Da li je uobičajeno da se rezolucije u Kongresu SAD-a donose jednoglasno?

- Postoje, naravno, različita gledanja na funkcioniranje Kongresa. Ali to što su elementi ove rezolucije, uključujući i njene preporuke, bile svima prihvatljive predstavlja priličan uspjeh. Mislim da to reflektira priznanje stavu dijela Predstavničkog doma da u fokusu SAD-a ostane BiH i njena stabilnost i funkcionalnost.

Imena nevažna

• Koji su naredni koraci u političko-praktičkom smislu ka imenovanju specijalnog izaslanika za Balkan?

- Nije do kraja jasno da li će biti imenovan. Ali, ukoliko bude, odluka je na predsjedniku Obami, kao što je bila da imenuje specijalnog izaslanika za Bliski istok, Georgea Mitchella, ili Richarda Holbrookea za pitanja Pakistana i Afganistana. To, dakle, zavisi da li predsjednik Obama smatra da će to imenovanje pomoći zajedničkom stavu SAD-a i Evropske unije u vezi sa pitanjima regiona. Mislim da je neophodno da se to imenovanje desi. Zajednička strategija zahtijeva osobu s punim radnim vremenom koja bi putovala po glavnim gradovima država EU i regiona, što nijedan visoki američki dužnosnik ne može sebi priuštiti. Suštinski, specijalni

Lider nestabilnosti

• Da li će, po Vama, BiH biti u fokusu interesa američkog specijalnog predstavnika za Balkan?

- BiH je, mislim, lider nestabilnosti zapadnog Balkana. Činjenica da potpredsjednik Biden prvo dolazi ovdje pokazuje da je fokus premješten sa Srbije i Kosova. Ali postoje zajednička pitanja.

izaslanik bi stvorio strategiju. Nadam se da će potpredsjednik Biden doći do zaključka da je takvo imenovanje neminovno tokom svojeg putovanja u region naredne sedmice.

• Javnost interesira ime, da li se u Washingtonu već spominju neka?

- Bilo je mnogo špekulacija. Mislim da nije od pomoći u ovom trenutku govoriti o imenima. Krajnja linija je da osoba koja bude imenovana - kako mi vidimo - mora biti uši predsjednika, državnog sekretara, državnog savjetnika za sigurnost i Kongresa. Također, ta osoba mora biti spremna da provodi 60 posto vremena izvan SAD-a gradeći stratešku koaliciju i aparaturu koja će pomoći BiH da postane funkcionalna demokratska država sa političarima koji odgovaraju svojim građani-

ma. Tada će BiH biti u mogućnosti da napreduje ka EU.

Sumnje

• Kakve ovlasti može imati specijalni izaslanik? I dalje, kakve relacije će imati sa visokim predstavnikom, a sutra sa specijalnim predstavnikom EU?

- Neće imati nikakvih "moći" osim što će imati pomoć predsjednika SAD u njegovim naporima da sa državama EU razvije uspješan pristup u regionu. Pristup i mogućnost razgovora sa najmoćnijim čovjekom na svijetu sigurno jeste snažan utjecaj. SAD ne može samostalno raditi u BiH - ukoliko želimo uspjeh, neophodno je partnerstvo sa EU. Ali, mislim da jedino SAD mogu uvjeriti EU da je trenutni pretpostavka i birokratski pristup nije dovoljan. Idealno, specijalni predstavnik radit će zajedno sa EU da osigura: da se OHR ne zatvori dok se ne ispunje pet ciljeva i dva uslova; da takozvana ojačana misija EUSR-a posjeduje adekvatnu aparaturu i mandat da osigura mir i stabilnost kao i mogućnost odluka sankcionisanja političara i ostalih koji su prijetnja miru; te radi sa EUSR-om na moderiranju ustavnih reformi koje će donijeti funkcionalniju državu. Mislim da će specijalni predstavnik SAD-a biti ključni saveznik svom evropskom kolegi. Nekako sumnjam da će se tako shvatiti u Bruxellesu...

VIJEST U OBJEKTIVU

Snimio: Didier TORCHE

Djeca pjevala sevdalinke

U organizaciji sarajevske Općine Novi Grad jučer je održano polufinalno takmičenje "Djeca pjevaju sevdalinke", na kojem su odabrani izvođači koji će nastupiti u okviru manifestacije "Novogradski dani". Djeca su pjevala sevdalinke uz pratnju orkestra Federalne televizije.

Na manifestaciji Novogradski dani biće proglašena tri najbolja takmičara za koje je Općina obezbijedila i prigodne novčane nagrade.

